

**Siunnersuut uunga: Inatsisartut Suleriaasiata allanngortinneqarnera (UPA2015/148).****Akissuteqaat**

(Naalakkersuisut Siulittaasuat)

**Aappassaaneerneqarnera**

Aallaqqaasiullugu Inatsisinut Ataatsimiititaliap isumaliutissiissutaanut Naalakkersuisut qujapput.

Naalakkersuisut maluginiarpaat Inatsisinut Ataatsimiititaliap Siulittaasoqarfíup siunnersuutaanik suliarinnilluarnermigut siunnersuuteqarsimasoq Naalakkersuisunik tatiginnikkunnaartoqartillugu partiit oqaaseqartui oqaaseqarnissaat sioqqullugu Naalakkersuisut oqaaseqarsinnaanissaminnut periarfissinneqassasut aammalu tikeraat nunanit allaneersut Inatsisartut oqaluttarfiannit oqalugiarsinnaanissaat periarfissarsiuunneqassasoq. Siunnersuutigineqartunut nutaanut Naalakkersuisut immikkut oqaaseqaatissaqanngillat.

Siulittaasoqarfíulli siunnersuutaani sammineqartut tamakkerlutik Inatsisinut Ataatsimiititaliami suliarilluarneqareersimammata Naalakkersuisut sinnerlugit oqaatigissavara ataatsimiititaliap isumaliutissiissutaani inassutigineqartut Naalakkersuisunit tusaatissatut tiguneqarmata.